



Government Gazette Staatskoerant

REPUBLIC OF SOUTH AFRICA
REPUBLIEK VAN SUID-AFRIKA

Regulation Gazette

No. 7164

Regulasiekoerant

Vol. 435

Pretoria, 7 September 2001

No. 22660



AIDS HELPLINE: 0800-0123-22 Prevention is the cure

CONTENTS**INHOUD**

No.	Page No.	Gazette No.	No.	Bladsy No.	Koerant No.
GOVERNMENT NOTICE			GOEWERMENSKENNISGEWING		
Labour, Department of			Arbeid, Departement van		
<i>Government Notice</i>			<i>Goewermentskennisgewing</i>		
R. 855			R. 855		
Labour Relations Act (66/1995):			Wet op Arbeidsverhoudinge (66/1995):		
Correction Notice: Road Freight			Verbeteringskennisgewing: Padvrag-		
Industry: Extension of B-Collective			nywerheid: Uitbreiding van B-Kollektiewe		
Amending Agreement to Non-parties.....	3	22660	Wysigingsooreenkoms na Nie-partye	3	22660

GOVERNMENT NOTICE GOEWERMENSKENNISGEWING

DEPARTMENT OF LABOUR DEPARTEMENT VAN ARBEID

No. R. 855

7 September 2001

LABOUR RELATIONS ACT, 1995

CORRECTION NOTICE

ROAD FREIGHT INDUSTRY: EXTENSION OF B-COLLECTIVE AMENDING AGREEMENT TO NON-PARTIES

Substitute the following for the Afrikaans notice which appears in Government Notice No. R. 813 in *Government Gazette* No. 22610 of 31 August 2001:

No. R. 855

7 September 2001

WET OP ARBEIDSVERHOUDINGE, 1995

VERBETERINGSKENNISGEWING

PADVRAGNYWERHEID: UITBREIDING VAN B-KOLLEKTIEWE WYSIGINGSOOREENKOMS NA NIE-PARTYE

Vervang die Afrikaanse kennisgewing wat in Goewermenskennisgewing No. R. 813 in *Staatskoerant* No. 22610 van 31 Augustus 2001 verskyn, deur die volgende:

"No. R. 813

31 Augustus 2001

WET OP ARBEIDSVERHOUDINGE, 1995

PADVRAGNYWERHEID: UITBREIDING VAN B-KOLLEKTIEWE WYSIGINGSOOREENKOMS NA NIE-PARTYE

Ek, Membathisi Mphumzi Shepherd Mdladlana, Minister van Arbeid, verklaar hierby, kragtens artikel 32 (2) van die Wet op Arbeidsverhoudinge, 1995, dat die Kollektiewe Wysigingsooreenkoms wat in die Bylae hiervan verskyn en wat in die Nasionale Bedingsraad vir die Padvragnywerheid aangegaan is en kragtens artikel 31 van die Wet op Arbeidsverhoudinge, 1995, bindend is op die partye wat die Ooreenkoms aangegaan het, bindend is vir die ander werkgewers en werknemers in daardie Nywerheid, met ingang van 10 September 2001, en vir die tydperk wat op 28 Februarie 2002 eindig.

M. M. S. MDLADLANA

Minister van Arbeid

BYLAE

NASIONALE BEDINGINGSRAAD VIR DIE PADVRAGNYWERHEID

B-KOLLEKTIEWE OOREENKOMS

ooreenkomstig die Wet op Arbeidsverhoudinge, 1995, gesluit deur en aangegaan tussen die

Road Freight Employers' Association

(hierna die "werkgewers" of die "werkgewersorganisasie" genoem), aan die een kant en die

Motor Transport Workers' Union (South Africa)

South African Transport Workers' Union

Professional Transport Workers' Union of South Africa

South African Transport and Allied Workers' Union

en

Transport and Allied Workers' Union

(hierna die "werknemers" of die "vakbonde" genoem), aan die ander kant,

wat die partye is by die Nasionale Bedingsraad vir die Padvragrywerheid.

tot wysiging van die Ooreenkoms gepubliseer by Goewermentskennisgewing Nos. R. 205 van 1 Maart 2001 en R. 269 van 23 Maart 2001.

1. TOEPASSINGSBESTEK

- (1) Hierdie Ooreenkoms moet in die Padvragrywerheid nagekom word—
 - (a) deur alle werkgewers wat lede van die werkgewersorganisasie is en deur alle werknemers wat lede van die vakbonde is, en wat onderskeidelik daarin betrokke en werksaam is;
 - (b) in die Landdrosdistrikte Alberton, Benoni, Boksburg, Brakpan [uitgesonderd die gedeeltes van die Landdrosdistrikte Boksburg en Brakpan wat voor die publikasie van Goewermentskennisgewing No. R. 1779 van 6 November 1964 binne die Landdrosdistrik Heidelberg geval het, en uitgesonderd die gedeeltes van die Landdrosdistrik Brakpan wat voor 1 April 1966 en 1 Julie 1972 (Goewermentskennisgewings Nos. R. 498 en R. 871 van onderskeidelik 1 April 1996 en 26 Mei 1972), binne die Landdrosdistrik Nigel geval het], Delmas, Germiston, Johannesburg, Kempton Park [uitgesonderd die gedeeltes wat voor 29 Maart 1956 en 1 November 1970 (Goewermentskennisgewings Nos. R. 556 en R. 1618 van 29 Maart 1956 en 2 Oktober 1970), binne die Landdrosdistrik Pretoria geval het], Krugersdorp [met inbegrip van die gedeeltes van die Landdrosdistrikte Koster en Brits wat voor onderskeidelik 26 Julie 1963 en 1 Junie 1972 (Goewermentskennisgewings Nos. R. 1105 van 26 Julie 1963 en R. 872 van 26 Mei 1972), binne die Landdrosdistrik Krugersdorp], Oberholzer [uitgesonderd die gedeelte van die Landdrosdistrik Oberholzer wat voor die publikasie van Goewermentskennisgewing No. R. 1745 van 1 September 1978, binne die Landdrosdistrik Potchefstroom, geval het], Randburg [uitgesonderd die gedeelte wat voor die publikasie van Goewermentskennisgewing No. R. 2152 van 22 November 1974, binne die Landdrosdistrik Pretoria geval het], Randfontein (met inbegrip van die gedeelte van die Landdrosdistrik Koster wat voor die publikasie van Goewermentskennisgewing No. R. 1105 van 26 Julie 1963, binne die Landdrosdistrik Randfontein geval het, maar uitgesonderd die plase Moadowns 1, Holfontein 17, Leeuwpan 18, Ireton 19, Pahtiki 20, Bospan 21 en Rietfontein 48), Roodepoort, Springs, Vanderbijlpark, Vereeniging en Westonaria.
- (2) Ondanks subklousule (1), is hierdie Ooreenkoms van toepassing slegs op werknemers vir wie minimum lone by hierdie Ooreenkoms voorgeskryf word en op die werkgewers van sodanige werknemers.
- (3) Ondanks subklousule (1) is hierdie Ooreenkoms nie van toepassing nie op—
 - (a) 'n eienaar wat sy eie voertuig dryf en die werknemers wat in verband met sodanige voertuig in diens is; en
 - (b) 'n werkgewer wat een vragmotor met een drywer bedryf, en die werknemers in diens van sodanige werkgewer.
- (4) Die bepalinge van klousules 1 (1) (a) en 1A van hierdie Ooreenkoms is nie van toepassing op werkgewers en werknemers wat nie lede is van die werkgewersorganisasie en vakbonde wat die Ooreenkoms aangegaan het nie.

1A. GELDIGHEIDSDUUR VAN OOREENKOMS

Hierdie Ooreenkoms tree in werking op die datum wat die Minister van Arbeid ingevolge artikel 32 van die Wet op Arbeidsverhoudinge, 1995, vasstel en bly van krag tot 28 Februarie 2002.

2. KLOUSULE 2: WOORDOMSKRYWING

- (1) In subklousule (1) vervang die eerste paragraaf met die volgende:

“(1) Tensy die teenoorgestelde blyk, het alle uitdrukkings wat in die Ooreenkoms gebesig en in die Wet op Arbeids Verhoudinge, 1995, omskryf is, dieselfde betekenis as in die Wet, en enige verwysing na 'n Wet sal alle wysigings van die Wet insluit; en enige verwysing na die enkelvoud sal die meervoud insluit en omgekeerd; en enige verwysing na enige geslag sal die teenoorgestelde geslag insluit; tensy teenstrydig met die inhoud daarvan.”
- (2) In subklousule (1) vervang die omskrywing vir “deeltydse werknemer” met die volgende:

“‘deeltydse werknemer’ 'n werknemer wat nie voltyds in diens is nie maar wat in diens geneem is op 'n permanente basis en van wie vereis word om 'n bepaalde en beperkte aantal ure per dag, per week, of per maand te werk.’

3. KLOUSULE 6: GEWONE WERKSURE, OORTYD EN BETALING VIR OORTYD

- (1) Voeg die volgende nuwe subklousule 6 (a) (iv) in:

“(iv) In die geval van 'n werkgewer van 'n tydelike werkverskaffingsdiens, wat oortyd werk terwyl werk verrig word in twee of meer werkkategorieë gedurende 'n betaalwerk, as een en 'n derde maal die uurloon ten opsigte van die totale ure aldus gewerk in elke kategorie: Met dien verstande dat vir alle oortyd van meer as 6 uur in 'n week betaling gemaak moet word teen een en 'n half maal die uurloon ten opsigte van die ure aldus gewerk in elke kategorie.”

(2) In klousule 6 vervang subklousule (e) met die volgende:

“(e) Behoudens die bepalings van subklousule (6)(a) kan ’n werkgewer deur 72 uur geskrewe kennis aan ’n werknemer te gee, ’n werknemer wat oortyd werk op ’n skaal betaal van nie minder nie as—

- (i) die gewone basiese loon vir oortyd gewerk en ten minste 20 minute se tyd af t.o.v. oortyd betaalbaar teen een en ’n derde sy oortyd loon en 30 minute se tyd af ten opsigte van oortyd betaalbaar teen een en ’n half maal sy uurloon, met volle betaling vir elke uur gewerk; of
- (ii) ten minste 80 minute se betaalde tyd af t.o.v. oortyd betaalbaar teen een en ’n derde maal sy uurloon en 90 minute betaalde tyd af ten opsigte van oortyd betaalbaar teen een en ’n half maal sy uurloon vir elke uur gewerk.”.

(3) Vervang die volgende deur subklousule (7) (d) (i):

“(7) (d) (i) Kompakte werksweek—deur 72 uur se geskrewe kennis aan ’n werknemer te gee kan ’n werkgewer van ’n werknemer verlang om tot 15 uur in enige dag, insluitend etenstye ingevolge die bepalings van subklousule (2) te werk, sonder oortydbetaling.”.

(4) Vervang die volgende inleidings paragraaf in subklousule (7) (e):

“(7) (e) Gemiddelde ure van werk—deur 72 uur se geskrewe kennis aan ’n werknemer te gee kan die werkure en oortyd van ’n werknemer versprei word oor ’n periode van 5 weke met vyf weke met dien verstande dat—”.

(5) Voeg die volgende nuwe subklousule (9) in:

“(9) ’n Werkgewer moet ’n werknemer met 5 skofte krediteer—

- (i) vir elke nege ure of deel daarvan gewerk gedurende ’n kompakte werksweek moet ’n maksimum van vyf skofte per week;
- (ii) vir elke week waarin ’n gemiddelde werksure skema in werking is.

Met dien verstande dat ’n werkgewer die reg sal hê om ’n skof af te trek vir elke dag wat die werknemer afwesig is van die werk vir redes wat nie in klousule 7 (8) (b) gespesifiseer is nie.

4. KLOUSULE 14: OPENBARE BESTUURSPERMIT

(1) Wysig die opskrif van die klousule soos volg: “PROFESSIONELE BESTUURSPERMIT”.

(2) In subklousule (1), (2) en (3) vervang die woord “Openbare” met “Professionele” in elk van die subklousules.

5. KLOUSULE 21: UITGAWES VAN DIE RAAD

(1) In subklousule (1) vervang “0,3%” met “0,4%” in die eerste reël van paragraaf (a).

6. KLOUSULE 27: WETSTOEPASSINGSKOSTE/REGSKOSTE

(1) Vervang klousule 27 met die volgende:

“Wanneer dit nodig of dienstig word dat die Raad ’n geding in ’n bevoegde forum instel ten einde enige bedrag te verhaal wat ’n werkgewer aan ’n werknemer verskuldig is maar nie aan die Raad oorbetal het nie, sal die debiteur in sodanige geval aanspreeklik wees vir alle kostes deur die Raad aangegaan om die verskuldigde bedrag te verhaal, en sluit dit ook kostes in wat bereken word op ’n prokureur/kliënteskaal in die geval waar ’n regspraktisyn deur die Raad opdrag gegee is om die bedrag te vorder”.

7. KLOUSULE 41: SUIKERRIET SEKTOR

(1) Voeg die volgende nuwe subklousule (e) in:

“(e) Gekonsolideerde toelaes—werknemers sal ’n pro rata toelaag van R100,00 per maand ontvang, waarvan enige van die volgende toelaes afgetrek kan word nl. skof, verblyf, behuising, rantsoen of ander toelaes van ’n substantiewe aard wat aan ’n werknemer betaal word.”.

8. NUWE KLOUSULE 44

Voeg die volgende nuwe klousule 44 in:

“KLOUSULE 44: DEELTYDSE WERKNEMERS

- (1) Die werknemer en werkgewer moet ’n geskrewe dienskontrak aangaan wat die vaste werkure wat die deeltydse werknemer per dag, per week, per maand moet werk uiteensit.
- (2) Die minimum loon van ’n deeltydse werknemer moet bereken word as ’n gedeelte van die loonskaal soos voorgeskryf in klousule 4 vir die kategorie werk wat deur die werknemer verrig word.
- (3) Die aantal deeltydse werknemers in diens by ’n werkgewer mag as ’n gemiddeld bereken nie 30% van die totale aantal werknemers in diens by die werkgewer oor ’n periode van 2 maande oorskry nie.
- (4) ’n werkgewer moet ’n deeltydse werknemer met 5 skofte per week krediteer op die betrokke dag waarop die werknemer moes werk; tensy die werknemer afwesig is, a.g.v. omstandighede wat nie in klousule 13 (5) uiteengesit is nie.”.

9. NUWE KLOUSULE 45

Voeg die volgende nuwe klousule 45 in:

"KLOUSULE 45: BETALING VAN BYDRAES

- (1) Die Sekretaris kan na eie oordeel, bydraes wat deur 'n werkgewer inbetaal is, ingevolge klousules 13, 14, 15 en 18 toewys om enige tekorte van bydraes verskuldig deur die werkgewer en werknemers ingevolge klousule 7 van die Voorsorgfonds Ooreenkoms, aan te vul en dit sal geag word dat die Raad onvoldoende fondse in reserwe het om betalings ten opsigte van verlofsoldyfondse, vakansiebonussoldyfondse en siektedondse te maak wat betaalbaar is ingevolge bogenoemde klousules."

Vir en namens die partye by die Raad, op hede die 17de dag van April 2001 te Johannesburg onderteken.

G.F. VAN NIEKERK


Voorsitter van die Raad

J.J. DUBE

Ondervoorsitter van die Raad

B.S.E. GRATZ

Sekretaris van die Raad"



*Looking for back copies and out of print issues of
the Government Gazette and Provincial Gazettes?*

The National Library of SA has them!

Let us make your day with the information you need ...

National Library of SA, Pretoria Division

PO Box 397

0001 PRETORIA

Tel.:(012) 321-8931, Fax: (012) 325-5984

E-mail: infodesk@nlsa.ac.za



*Soek u ou kopieë en uitdruk uitgawes van die
Staatshoerant en Provinsiale Koerante?*

Die Nasionale Biblioteek van SA het hulle!

Met ons hoef u nie te sukkel om inligting te bekom nie ...

Nasionale Biblioteek van SA, Pretoria Divisie

Posbus 397

0001 PRETORIA

Tel.:(012) 321-8931, Faks: (012) 325-5984

E-pos: infodesk@nlsa.ac.za

Printed by and obtainable from the Government Printer, Bosman Street, Private Bag X85, Pretoria, 0001
Publications: Tel: (012) 334-4508, 334-4509, 334-4510
Advertisements: Tel: (012) 334-4673, 334-4674, 334-4504
Subscriptions: Tel: (012) 334-4735, 334-4736, 334-4737
Cape Town Branch: Tel: (021) 465-7531

Gedruk deur en verkrygbaar by die Staatsdrukker, Bosmanstraat, Privaatsak X85, Pretoria, 0001
Publikasies: Tel: (012) 334-4508, 334-4509, 334-4510
Advertensies: Tel: (012) 334-4673, 334-4674, 334-4504
Subskripsies: Tel: (012) 334-4735, 334-4736, 334-4737
Kaapstad-tak: Tel: (021) 465-7531